

*Universitet rektorining  
2024 yil "21" maydagi  
123-sonli buyrug'iga  
7-ilova*

**Toshkent arxitektura-qurilish universitetiga ishga qabul qilinayotgan  
nomzodlarni tekshirish bo'yicha  
YO'RIQNOMA**

**I-bob. Umumiy qoidalar**

1. Ushbu Toshkent arxitektura-qurilish universitetiga ishga qabul qilinayotgan nomzodlarni tekshirish bo'yicha Yo'riqnoma (keyingi o'rinlarda - Yo'riqnoma) universitetga ishga qabul qilishda nomzodlar tekshiruvini o'tkazishning tamoyillari, talablari, tartibi va muddatlarini belgilovchi ichki hujjat hisoblanadi.

2. Ushbu Yo'riqnomaning maqsadlari quyidagilardir:

-nomzod tomonidan taqdim etilgan o'zi, uning professional faoliyati, boshqa jismoniy va yuridik shaxslar bilan qarindoshlik va tijorat aloqalari haqidagi ma'lumotlarni tekshirish;

-O'zbekiston Respublikasi qonunchiligi hamda universitetning ichki meyoriy xuquqiy hujjatlari talablariga muvofiq halol, sifatli, puxta, xolis amalga oshirishga qodir jismoniy shaxslar bilan mehnat munosabatlarini rasmiylashtirishga erishilishini ta'minlash;

-universitetda lavozim majburiyatlarini bajarish uchun yetarli bilim va tajribaga ega bo'lmagan, huquqbuzarliklar sodir etishga moyil bo'lgan shuningdek ularni ishga olish vazirlik uchun obro', korrupsiyaga oid yoki boshqa xatarlarga olib keluvchi nomzodlar bilan mehnat munosabatlariga kirishish xatarini minimallashtirish;

-rahbarlik va moddiy javobgarlik bilan bog'liq lavozimlarga bilimli, halol, vijdonli, qonunga itoatkor xodimlarni tanlab olish.

3. Ushbu Yo'riqnoma ishga qabul qilishda O'zbekiston Respublikasining qonunchilik hujjatlari bilan alohida tartib belgilangan lavozimlarga nisbatan tadbiq etilmaydi.

**II-bob. Asosiy tushunchalar**

4. Ushbu Yo'riqnoma maqsadlarida quyidagi asosiy tushunchalardan foydalaniladi:

**korrupsiyaviy harakatlar** - xodim tomonidan bevosita yoki bilvosita shaxsan yoki uchinchi shaxslar orqali pora beruvchi manfaatlari yo'lida harakat yoki harakatsizlik uchun moddiy manfaatdor bo'lishi, shu jumladan pul, qimmatbaho qog'oz, boshqa ko'rinishdagi mulk va mulkiy huquqlar, mulkiy harakterdagi xizmatlar olish, talab qilish, undirish, taklif qilish yoki berish, pora berish yoki olish yoki bunda vositachilik qilishda, rasmiyatchiliklarni soddalashtirish uchun to'lovlar undirish (pora olish) va boshqa noqonuniy maqsadlarda o'z xizmat vazifalaridan noqonuniy foydalanish;

**manfaatlar to'qnashuvi** - universitet xodimining shaxsiy (bevosita yoki bilvosita) manfaatdorlik shaxsning mansab yoki xizmat majburiyatlarini lozim darajada bajarishiga ta'sir ko'rsatayotgan yoxud ta'sir ko'rsatishi mumkin bo'lgan hamda shaxsiy manfaatdorlik bilan fuqarolarning, tashkilotlarning, jamiyatning yoki davlatning huquqlari

va qonuniy manfaatlari o'rtasida qarama-qarshilik yuzaga kelayotgan yoki yuzaga kelishi mumkin bo'lgan vaziyat;

**nomzod** - universitetning bo'sh ish o'rni talablariga javob beruvchi, vakant ish joyiga tanlab olingan jismoniy shaxs.

**noqonuniy foyda** - va'da qilinadigan, taklif etiladigan, taqdim etiladigan yoki qonuniy asossiz olinadigan pul mablag'lari yoki boshqa mol-mulk, yoki mulkiy huquqlar, afzalliklar, imtiyozlar, xizmatlar, nomoddiy aktivlar, boshqa har qanday moddiy yoki nomoddiy foyda;

**xodimning shaxsiy manfaatdorligi** - xodim tomonidan o'z xizmat vazifalarini bajarish doirasida uning yaqin qarindoshi yoki xodimga aloqador bo'lgan shaxslar tomonidan xodimning mansab yoki xizmat majburiyatlarini lozim darajada bajarishiga ta'sir qilishi mumkin bo'lgan pul mablag'lari, moddiy yoki nomoddiy qiymatliklar, boshqa mol- mulk, boylik va imtiyozlar ko'rinishida shaxsiy naf olish imkoniyati (shaxsiy, ijtimoiy, mulkiy, moliyaviy, siyosiy va boshqa manfaatlari);

**yaqin qarindoshlar** - qarindosh yoki quda tomondan qarindosh bo'lgan shaxslar, ya'ni ota-ona, tug'ishgan va o'gay aka-uka va opa-singillar, er-xotin, farzand, shu jumladan farzandlikka olinganlar, bobo, buvi, nevaralar, shuningdek er-xotinning ota-onasi, tug'ishgan va o'gay aka-uka va opa-singillari.

### **III-bob. Ishga qabul qilinayotgan nomzodlarni tekshirishga qo'yilgan umumiy talablar va ularning muddatlari**

5. Xodimlar bo'limi va Korrupsiyaga qarshi kurashish "Komplaens-nazorat" tizimini boshqarish bo'limi nomzodlarni tekshirish uchun mas'ul hisoblanadi.

6. Tekshiruv barcha doimiy va muddatli lavozimlarga nomzodlar, shuningdek fuqarolik-huquqiy shartnomalar bo'yicha qabul qilingan nomzodlarga nisbatan amalga oshiriladi.

7. Agar xodimlarni tanlab olish O'zbekiston Respublikasi Prezidenti huzuridagi Davlat xizmatini rivojlantirish agentligi (keyingi o'rinlarda - DXRA) tomonidan amalga oshirilsa, nomzodlarni tekshirish nomzod qabul komissiyasi bayonnomasi bilan tasdiqlangandan so'ng, biroq mehnat shartnomasi tuzilmasidan oldin amalga oshiriladi.

8. Agar nomzodlarni tanlab olish DXRA ishtirokisiz amalga oshirilsa, **u holda ishga qabul qilinayotgan nomzod professional tanlov** va (yoki) testdan muvaffaqiyatli o'tgach, biroq mehnat shartnomasi tuzilmasdan avval tekshiriladi.

9. Nomzodni tekshirish 5 (besh) ish kunigacha bo'lgan muddatda amalga oshiriladi.

10. Nomzodni belgilangan muddatlarda tekshirish xolis sabablarga ko'ra imkonsiz bo'lsa, uning davomiyligi 5 (besh) ish kunigacha bo'lgan muddatga cho'zilishi mumkin.

### **IV-bob. Tekshirish uchun hujjatlar va ma'lumotlarni olish**

11. Nomzodni tekshirishni amalga oshiradigan Xodimlar bo'limi va Korrupsiyaga qarshi kurashish "Komplaens-nazorat" tizimini boshqarish bo'limi xodimlariga (ijrochi) tekshiruvni o'tkazish uchun **quyidagi hujjatlar taqdim etiladi:**

-O'zbekiston Respublikasi Mehnat kodeksining 80-moddasiga muvofiq ishga qabul qilinayotganda talab etiladigan **hujjatlar nusxalari;**

-nomzod tomonidan universitetdagi manfaatlar to'qnashuvini boshqarish bo'yicha ichki me'yoriy-huquqiy hujjatga muvofiq shaklda to'ldirilgan va imzolangan deklaratsiya

nusxasi.

12. Ma'lumotnoma olinayotganda to'ldirilmagan bandlar mavjud bo'lsa, Ijrochi nomzoddan yetmayotgan ma'lumotlarni so'rab olishi mumkin.

13. Ijrochi nomzoddan taqdim etilgan hujjatlar bo'yicha tushuntirish va qo'shimchalarni so'rab olishga haqli.

14. Nomzod so'ralayotgan hujjatlar yoki ma'lumotlarni taqdim etishni rad etgan taqdirda nomzodni tekshirish ochiq foydalanuvdagi va Ijrochi tasarrufidagi ma'lumotlar asosida, shuningdek rasmiy so'rov yuborish orqali amalga oshirilishi mumkin. Bunda Ijrochi tekshiruv natijalariga oid xulosada tegishli qaydni amalga oshiradi.

15. Nomzodning O'zbekiston Respublikasi Mehnat kodeksida ko'zda tutilmagan hujjatlarni taqdim etishdan bosh tortishi uning ishga joylashishini rad etish uchun sabab bo'lmaydi.

### **V-bob. Ishga joylashayotgan nomzodlarni tekshirish uchun axborot manbalari**

17. Ishga joylashayotgan nomzodni tekshirish doirasida nomzoddan olingan ma'lumotlar, shuningdek ochiq manbalardan yoki rasmiy so'rovlar yuborish orqali olingan ma'lumotlarni tahlil qilish va ishlash amalga oshiriladi.

18. Ma'lumotlarni yig'ish ishga joylashayotgan nomzod haqidagi umumiy va xolis fikrni shakllantirish, nomzoddan olingan, jumladan ma'lumotnomada qayd etilgan, nomzodning <https://vacancy.argos.uz> saytidagi shaxsiy profilidagi hujjatlar va ma'lumotlar ishonchligini baholash, shuningdek o'zi haqidagi ma'lumotlarni yashirish yoki soxtalashtirish alomatlari yo'qligini tahlil qilish uchun barcha ochiq axborot manbalaridan foydalangan holda amalga oshiriladi.

19. Ishga joylashayotgan nomzodni tekshirish uchun axborot manbalari qonuniylik va xolislik talablariga javob berishi lozim. Ijrochi tegishli tashkilotlarga, nomzodning avvalgi ish joylari, o'quv muassasalari va h.k.larga taqdim etilgan ma'lumotlarni tekshirish uchun rasmiy so'rov yuborishi mumkin.

20. Ijrochi huquqni muhofaza qilish organlariga so'rov yuborish orqali nomzodning sudlanganligi, firibgarlik, korrupsiya va zo'ravonlik bilan bog'liq ishlarga aloqadorligini tekshirishi mumkin.

21. Nomzod haqidagi ma'lumotlarni tekshirish uchun quyidagi ochiq axborot manbalaridan foydalanish mumkin:

Davlat xizmatlari agentligining yuridik shaxslar va yakka tadbirkorlar ma'lumotlarini tekshirish bo'yicha platformasi - [https://fo.birdarcha.uz/s/ru\\_landing](https://fo.birdarcha.uz/s/ru_landing)

Korxonalar va tashkilotlarning yagona davlat reestri (KTYaDR) - <https://stat.uz/ru/uslugi-1/svedeniya-iz-egrpo>

Soliq organlarining elektron davlat xizmatlari portali - <https://my.soliq.uz/main/?lang.ru>

O'zbekiston Respublikasi ochiq ma'lumotlari portali - <https://data.gov.uz/ru>

Yer resurslari va davlat kadastr boshqarmasi - <http://kadastr.uz/ru/>

Ijro hujjatlari bo'yicha qarzdorlarning ma'lumotlar bazasi - <https://mib.uz> Axborot qidiruv tizimlari (masalan, Google, Yandex va h.k.) va h.k.

Ushbu ro'yxat zarur bo'lganda o'zgartirilishi va kengaytirilishi mumkin bo'lgan manbalarning taxminiy ro'yxatini ifodalaydi.

### **VI-bob. Ishga joylashayotgan nomzodlarni tekshiruvini o'tkazish yo'nalishlari**

22. Nomzodlarni tekshirish quyidagi asosiy yo'nalishlar bo'yicha amalga

oshiriladi:

- nomzodda tugatilmagan sudlanganlik holati va iqtisodiy, jumladan korrupsiyaviy xarakterdagi qonunbuzarliklar munosabati bilan uni ma'muriy, jinoiy yoki intizomiy javobgarlikka tortish faktlari mavjudligi to'g'risidagi ma'lumotlar yo'qligi;
- sud organlari tomonidan qo'yilgan rahbarlik lavozimlarini egallashga taqiq yo'qligi - rahbarlik lavozimiga nomzod uchun;
- nomzod yoki uning yaqin qarindoshlari to'g'risida ularning korrupsiyaviy, firibgarlik yoki boshqa qonunga xilof faoliyatiga doir ma'lumotlar yo'qligi;
- avvalgi ish joylaridan salbiy tavsiyanomalar yo'qligi;
- nomzodda manfaatlar to'qnashuvi alomatlari yo'qligi;
- nomzodga nisbatan boshqa xatar indikatorlari yo'qligi (jumladan, ijtimoiy tarmoqlar va ommaviy axborot vositalarida namoyish etilgan hayot tarzi rasmiy ish haqiga mos kelmaydi va boshqalar).

23. Qayd etilgan yo'nalishlar bo'yicha tekshiruv o'tkazish majburiy. Bunda tekshiruv yo'nalishlari ro'yxati zaruratga qarab har bir aniq holatda kengaytirilishi mumkin.

## **VII-bob. Ishga joylashayotgan nomzodlarni tekshirish natijalari**

24. Nomzodni tekshiruvini o'tkazish natijalari bo'yicha Ijrochi tomonidan Nomzod tekshirilgani to'g'risidagi hisobot tuzilib (ushbu Yo'riqnomani 1-ilova shakli bo'yicha), mazkur hisobot xodimlar bo'limida saqlanadi. O'tkazilgan tekshiruv va uning natijalariga oid ma'lumotlar Ishga joylashayotgan nomzodlarni tekshirish reestri (ushbu Yo'riqnomaga 2- ilova)ga kiritiladi.

25. Universitetning Xodimlar bo'limi universitetdagi nomzodlarni tekshirish reestriga kiritiladigan ma'lumotlarni yig'ish va ushbu Reestrni aktual holda saqlash uchun javobgar hisoblanadi.

26. Tekshiruv natijalari to'g'risidagi hisobotning 3 bo'limidagi 3.1, 3.2, 3.3 yoki 3.4 bandlari savollariga bitta va undan ko'p xavf indikatorlari mavjud bo'lgan taqdirda ("Ha" javoblari) ishga joylashayotgan nomzodni tekshirish natijalari bo'yicha salbiy xulosa kiritiladi.

3.5 yoki 3.6 bandlaridagi savollardan biriga bittasiga bo'lsa ham bir va undan ortiq xavf indikatorlari ("Ha" javoblari) mavjud bo'lgan taqdirda, tekshiruv o'tkazayotgan shaxs vaziyatni korrupsiyaviy xavf-xatarlar mavjudligi yoki mavjud emasligi bo'yicha baholaydi.

27. Korrupsiyaviy xavf-xatarlar mavjud bo'lgan taqdirda tekshiruv o'tkazayotgan shaxs ularni kamaytirish bo'yicha chora-tadbirlarni taklif qiladi yoki bunday xatarlar darajasini pasaytirish imkoni bo'lmagan taqdirda nomzodni tekshirish natijalari bo'yicha salbiy xulosa beradi.

28. Salbiy xulosa berilgan taqdirda nomzodni ishga qabul qilish universitet rahbari qaroriga ko'ra nomzod ishga olinayotgan bo'lim rahbariyati tomonidan mazkur yo'nalishni nazorat qiluvchi rahbar o'rinbosari va Xodimlar bo'limi rahbari bilan kelishilgan holda tuzilgan xizmat ma'lumotnomasi asosida amalga oshiriladi. Xizmat ma'lumotnomasiga Tekshiruv natijalari to'g'risidagi hisobot nusxasi ilova qilinadi.

29. Tekshiruv natijalari bo'yicha korrupsiyaviy xatarlar aniqlangan va ularni kamaytirish bo'yicha chora-tadbirlar taklif etilgan nomzod ishga olingan taqdirda xodimning rahbari tavsiya etilgan chora-tadbirlarning o'z vaqtida va samarali amalga oshirilishini nazorat qilish uchun javobgar hisoblanadi.

## **VIII-bob. Tekshiruvni hujjatlashtirish va hujjatlarni saqlash muddatlari**

30. Ishga joylashayotgan nomzodni tekshirish natijalari (jumladan, Tekshiruv natijalari to'g'risidagi hisobot va boshqa hamroh hujjatlar) maxfiy hisoblanadi va ishga joylashayotgan nomzodni tanlab olish va tekshirish jarayonida ishtirok etmayotgan universitet xodimlari va boshqa uchinchi shaxslarga oshkor etilmaydi.

31. Ishga joylashayotgan nomzodlarni tekshirish reestri (ushbu Yo'riqnomaga 1-ilova)dan faqatgina Ijrochilar foydalanishi mumkin.

32. Lavozim majburiyatlarini amalga oshirish uchun bunday ma'lumotlardan foydalanishi zarur bo'lgan boshqa xodimlar korrupsiyaga qarshi kurash faoliyatini nazorat qiluvchi rahbar o'rinbosarining yozma roziligini olishi lozim.

33. Nomzod ishga joylashtirilgan taqdirda tekshiruv o'tkazilgani haqidagi hisobotning asl nusxasi O'zbekiston Respublikasi qonunchiligida belgilangan muddat va tartibda xodimning shaxsiy yig'ma jildida saqlanishi shart.

34. Tekshiruv o'tkazilgani to'g'risidagi hisobot nusxasi, shuningdek hisobotdagi ma'lumotlarni tasdiqlovchi hujjatlar va ma'lumotlar (masalan, skrinshotlar, ko'chirma, vakolatli muassasalarga yuborilgan so'rovlar va ularga olingan javoblar va h.k.) kadrlar bo'limi tomonidan kamida 10 (o'n) yil davomida saqlanishi shart.

Universitetga ishga joylasha ololmagan nomzodlarni tekshirish natijalari uch yil davomida saqlanadi.

35. Agar nomzod universitetda ishlashga so'nggi tekshiruv o'tkazilgandan so'ng 2 yil davomida da'vogar bo'lsa, qayta tekshiruv talab etilmaydi (manfaatlar to'qnashuvi bo'yicha tekshiruv bundan mustasno). Agar so'nggi tekshiruv o'tkazilganiga ikki yildan ortiq vaqt bo'lgan bo'lsa, nomzod qayta tekshirilishi lozim.

## **IX-bob. Yakuniy qoidalar**

36. Ushbu Yo'riqnoma O'zbekiston Respublikasi qonunchiligi o'zgargan taqdirda yoki nomzodlarni tekshirish jarayonini takomillashtirish zarurati tug'ilganda qayta ko'rib chiqilishi va o'zgartirilishi lozim.

37. Ushbu Yo'riqnoma qoidalarini buzishda aybdor xodimlar O'zbekiston Respublikasi qonunchiligi va universitet ichki meyoriy xuquqiy hujjatlarida ko'zda tutilgan tartib va asosda intizomiy va boshqa javobgarlikka tortilishi mumkin.



Toshkent arxitektura-qurilish  
universitetiga ishga qabul  
qilinayotgan nomzodlarni  
tekshirish bo'yicha Yuriqnomasiga  
2-ilova

**Nomzodni ishga qabul qilish yuzasidan sinov natijalari bo'yicha xulosa**

Nomzod

---

ishga qabul qilish yuzasidan sinov natijalari bo'yicha xulosa

Toshkent arxitektura-qurilish universiteti

«\_\_» \_\_\_\_\_ yil №\_\_

1. Asosiy ma'lumotlar		
1.1.	Nomzodning F.I.Sh	
1.2.	Tug'ilgan vaqti	
1.3.	Holat/Vakansiya	
1.4.	Bo'linma	
1.5.	Telefon raqami	
1.6.	El.pochta manzili	

2. Ish tajribasi		
2.1.	Avvalgi ish joylari (teskari xronologik tartibda), lavozimlari	
2.2.		

	Avvalgi ish joylaridan salbiy munosabatlarning mavjudligi	<input type="checkbox"/> Ha <input type="checkbox"/> Yo‘q Izoh (lar): Manba lar):
--	---	---

3. Tekshiruv natijalari		
3.1.	Yo‘riqnomaning 12-bandida nazarda tutilgan hujjatlarning to‘liq jamlanmasi olinganmi?	<input type="checkbox"/> Ha <input type="checkbox"/> Yo‘q Topshirilmagan xujjat (lar): Yo‘qligining sabab (lar)i:
3.2.	Nomzoddan olingan xujjatlar va ma‘lumotlarda, jumladan, ma‘lumotnomada ko‘rsatilgan ma‘lumotlarda shubhali xolatlarning xamda ba‘zi ma‘lumotlarni yashirish va/yoki soxtalashtirish belgilarining mavjudligi	<input type="checkbox"/> Ha <input type="checkbox"/> Yo‘q Izoh (lar): Manba lar):
3.3.	Nomzodda sudlanganlik holati va/yoki korrupsiyaviy qilmishlar bilan javobgarlikka tortilish holatlarining mavjudligi	<input type="checkbox"/> Ha <input type="checkbox"/> Yo‘q (ha, bo‘lsa asoslarini ko‘rsatish lozim) Izoh (lar): Manba lar):
3.4.	Boshqaruv lavozimlarini egallashga nisbatan ta‘qiqning mavjudligi (boshkaruvchi lavozimiga nomzod uchun)	<input type="checkbox"/> Ha <input type="checkbox"/> Yo‘q Izoh (lar): Manba lar):
3.5.	Nomzodning va yaqin qarindoshlarining Universitet tizimi xodimlari, davlat mansabdor xizmatchilari bilan bog‘liqlik belgilarining mavjudligi:	<input type="checkbox"/> Ha <input type="checkbox"/> Yo‘q
	1) Xozirgi vaqtda ishga nomzod (o‘rindoshlik asosida) Universitet tizimi muassasalarida lavozimni egallab turibdi yoki davlatning boshka amaldoridir	<input type="checkbox"/> Ha <input type="checkbox"/> Yo‘q (agar ha bo‘lsa, ish joyi, lavozimi, asosiy majburiyatlarini ko‘rsatish hamda Universitet tizimida ishlash uchun ruxsatnomaning mavjudligini tekshirish lozim) Izoh (lar): Manba lar):
	2) Ishga nomzod universitet	<input type="checkbox"/> Ha <input type="checkbox"/> Yo‘q



	tizimining sobiq xodimi yoki davlatning boshqa amaldori	(agar ha bo'lsa, ishlagan davri, ish joyi, lavozimi, asosiy majburiyatlarini ko'rsatish lozim)  Izoh (lar):  Manba lar):
	3) Nomzodning yaqin qarindoshlari Universitet tizimida faoliyat ko'rsatayotgan xodimlar yoki davlatning boshqa amaldorlari mavjudligi	___ Ha ___ Yo'q (agar ha bo'lsa, FISH va qarindoshlik darajasi, ish joyi, lavozimi, asosiy majburiyatlari ko'rsatilishi lozim)  Izoh (lar):  Manba lar):
3.6.	Nomzodda manfaatlar to'qnashuvi alomatlarining mavjudligi:	___ Ha ___ Yo'q
	1) nomzod va uning yaqin karindoshlari vazirlik tizimida manfaatlar tuknashuviga olib keluvchi mavkega ega	___ Ha ___ Yo'q (agar ha bo'lsa, FISH va qarindoshlik darajasi (agar to'qnashuv nomzodning qarindoshlari bilan bog'liq bo'lsa), bo'linma nomi, lavozim ko'rsatilishi lozim)  Izoh (lar):  Manba lar):
	2) nomzod yoki uning yaqin qarindoshlari biror bir tashkilotning ustav kapitalida ochik savdoga qo'yilmagan aksiyalariga yoki ulushlariga yoki "Toshkent" Respublika fond birjasida yohud boshqa bir fond birjada 5% yoki undan ortiq qimmatli qog'ozlariga egalik qiladi, yoki boshqa kompaniyalar faoliyati natijasida boshqa shaxsiy manfaatlarga ega	___ Ha ___ Yo'q agar ha bo'lsa, FISH va qarindoshlik darajasi (agar tuknashuv nomzodning karindoshlari bilan bog'lik bulsa), bo'linma nomi, lavozim ko'rsatilishi lozim)  Izoh (lar):  Manba lar):
	3) Boshqa belgilar	___ Ha ___ Yo'q  Izoh (lar):  Manba lar):
3.7.	Nomzod va/yoki uning qarindoshlari xaqida murosasiz ma'lumotlar, jumladan	___ Ha ___ Yo'q  Izoh (lar):  Manba lar):

3.8.	Nomzodning boshqa xavf indikatorlari	___ Ha ___ Yo‘q Izoh (lar): Manba lar):
3.9.	Boshqa ma‘lumotlar (o‘tkazilgan bo‘lsa, intervyu natijalari)	___ Ha ___ Yo‘q Izoh (lar): Manba lar):

#### 4. Xulosa

3.5, 3.6 yoki 3.7 indikatorlarining mavjudligi	___ Ha ___ Yo‘q Komplaens-nazorat va korrupsiyaga qarshi kurashish bo‘limi (universitet tizimida korrupsiyaga qarshi kurashish bo‘yicha mas‘ul/muvofiqlashtiruvchi)ning qo‘shimcha xulosasi talab etiladi.
Oxirgi natija	(ijobiy baxo/yoki Komplaens-nazorat va korrupsiyaga qarshi kurashish bo‘limi (universitet tizimida korrupsiyaga qarshi kurashish bo‘yicha mas‘ul/ muvofiqlashtiruvchi)ning qo‘shimcha xulosasi talab etiladi)
TAVSIYALAR (aniqlangan xavflarni hisobga olgan xolda)	

#### 4.1 Me‘yoriy-huquqiy nazorat bo‘limi (universitet tizimida korrupsiyaga qarshi kurashish bo‘yicha mas‘ul/ muvofiqlashtiruvchi)ning xulosasi, jumldan, tavsiyalar (zarur xollarda)

Komplaens-nazorat va korrupsiyaga qarshi kurashish bo‘limi boshlig‘i (korrupsiyaga qarshi kurashish bo‘yicha mas‘ul/muvofiqlashtiruvchi):

\_\_\_\_\_ FISH

\_\_\_\_\_ “ ” \_\_\_\_\_ 2024 y.

*Imzo*